

編號 1 號

【耐命个蜚蜚】李淑娟原作

蜚蜚做得講係全世界最耐命个蟲仔，無論在仰般个環境都做得生存。先生識講過：「地球在人類出現个三億年前，蜚蜚个老祖先早斯在這世間咧。」佢腳髀頂硬仔个短毛當敏感，略略仔感受著毋著向，黏時走到兩腳無貼地，一眨眼就睜無蟲影。莫睜佢細細隻，該斯係佢最驚个生物哦！

冬下頭一隻半夜，佢本成壅等被骨在夢肚摻孫猴仔學習長生不老，忽然間感覺著有麼个東西對佢个嘴角趁啊過，有兜癢！佢伸手一撻，摸著一隻硬硬滑滑个殼，隨擘開目珠精神咧。阿姆哀！在佢个枕頭叮，一隻大蜚蜚摻佢兩對相，嚇到佢心寒膽顫，尿差一息洩出來。「啊！」一聲，喉嚨肱嘶到會喇忒。

「恁夜咧蛇聲鬼倭，噉噉滾做麼个呢？」阿姆黏時開門落來。佢一睜著救星來咧，斯煞煞飄過去捕等佢个肚屎，倭等講：「蜚……蜚蜚！有蜚蜚！」

順等佢个拈食指睜啊去，既經使出飛簷走壁大法黏在蓬白壁牆頂个蜚蜚，就像一個著等金若若个西裝，在該抹鬚搨派頭个老先生。阿姆利利个目神射啊過去，手板盡遽擲出掣仔鞋，

「啪！」一聲，射到的準<sup>1</sup>！毋過大蜚蜚也毋輸人，閉開薄翼、使出舞空術，像銃子樣對等佢兜飛過來。

「啊！」佢嚇到噉噉殺天，遽遽飄上眠床，一時滴嘎毋記得自家既經超磅个體重，又盡命拈在眠床枋頂蹦跳幾下。這下慘咧，毋知係眠床枋忒薄抑係佢忒大籬，噉嘎一聲，眠床枋嘎分佢蹬必忒咧。

「眠床枋會分你蹬潔咧，還毋煞煞下來……。」頭先八面威風个阿姆這下無心應戰，轉身過來「關心」佢這個受災難民，拈起拈過蜚蜚个掣仔鞋，出力擊佢个腳囊肚。心寒膽動个佢，一睜著鞋底還核核黏等蜚蜚个一皮薄翼，斯跳到還較高。「砰！」一聲，衰過个眠床枋正式分佢蹬潔一大空，該下佢姆个面睜起來比蜚蜚還較得人驚啊。

在阿姆个喝咄聲當中返生个蜚蜚手爬腳蹶，一下就鑽入壁扇个細縫肚園命去咧。下後，佢措等阿姆燒暖个被骨緊想：係蜚蜚精摻孫猴仔比賽長生不老，毋知哪個會較厲害？

<sup>1</sup> 的準：音 dag zhun` / dag zun^；很準。

115 年全國語文競賽臺灣客語朗讀文章國中學生組（饒平腔）

編號 2 號

### 【野球】郭亭好原作

電視報出臺灣隊提著世界野球十二強冠軍，所有个球員暢到捕共下又笑又嘍。這隻冠軍，臺灣等有三十二年恁久咧。頒獎典禮放「中華奧會會歌」，去現場睇比賽个臺灣球迷目汁濫泔跔等大聲唱，睇轉播个佢也感動到歸身寒毛菇膨膨起。

想起細个時節，佢兜莊頭一陣細人伴當興野球，長透會湊等去練習打野球。見知著哪時有野球比賽个轉播，斯會湊帶等矮凳頭，去阿量伯个雜貨店共下睇轉播。大家做下睇到當入文，心情也會跔等中華隊个打擊摻防守起起落落。睇著中華隊打出安打抑係全壘打，佢兜會歡喜塵天，緊拓乳粉罐、叻毋會煞，毋過若係分別儕得分，大家又會愁到唉無停。大家平常時打球無半撇，毋過到轉播睇比賽个時節，嘎又變成像專業个球評，逐儕斯像自家當會樣。

佢兜打球个球棒，係摻賣山杉樹个阿財伯討个；球係學校先生無愛个網球；手落係佢兜用幾張舊報紙層共下摺出來个；球場斯係阿明牯佢屋脣个空地，過用幾垵磚角做壘包，斯好勢到耐毋得咧。有一擺，佢兜當在該打野球，烏狗阿旺睇著佢兜个球仔，

嘎開始發肉雄，球傳到哪佢斯追到哪，一下無注意，阿旺躍起來呷著球仔，斯走落田肚去。佢兜為著將唯一个球仔追轉來，哪還會顧得著該係人辛苦耕个田，歸陣細人斯颯落田肚追阿旺。

在上畝田做事个阿和伯，睇著佢兜歸陣蹴落田肚，大嫲聲哆人還追等過來罵：「壞細孬、壞細孬！田蹴壞了了，無人教招係無？」哪知無追無恁死，阿旺睇著大家追來，嘎還較暢、颯上颯落走分佢兜追。斯恁樣阿和伯追佢兜、佢兜追阿旺，摻一畝好好个田蹴到歪哥淒汨。該日轉夜了後，大家做下食著世大人準備个好料——「竹筍炒肉絲」，食到飽餵餵咧！

大了後，雖然大家四散各地過等無共樣个生活，毋過轉莊下个時節，還係會湊共下泡茶坐寮，講起佢兜該有歡喜、有快樂、有目汁、有笑聲个童年。該下个佢兜雖然麼个都無，無錢買冰、無錢買零嗒、無錢買玩具，毋過佢兜有最單純个快樂，還有最珍貴个童年。

【博人惱个木棉樹】邱碧蓮原作

學校籃球場脣，種有兩排盡大頭个木棉樹。逐年一到三、四月，木棉花開花个季節，花開到當鬧，歸樹頂紅啾啾盡好睭。係企到樹下臥頭睭，紅色个花托等白雲，有影靚到值得人安腦！錫著過路个人儕儕就講：「哇！實在還靚哦！還浪漫哦！」但係哪儕知？這花靚係靚，毋過乜盡撼衰人。靚个背後，其實係一場得人畏又分人頭那疾个噩夢，該就像人講个：「睭花人還知掃儕个艱苦咩！」

秋天个九降風，咻咻滾吹等樹頂个葉仔搖啊搖，搖等搖等就撥撥跌，跌到歸籃球場淦淦个樹葉仔。負責掃籃球場个偈兜，日日就掃到嘴啣鼻翹，時常打早就掃到歸身汗流脈落，像做麼个大頭路樣。這兜樹葉仔盡撼射人，仰掃就掃毋俐，見擺正掃好，一陣風吹啊來，原旦掃淨个地方又滿片个樹葉仔。籃球場鋪等一層落葉，斯像係蓋被樣。

等春天來了，天時較燒暖兜仔，木棉花就開始當開，該像羽毛球恁大、火紅色个花蕊係另外一種風情，實在講：安腦得。地泥下不時斯像有一層貴貴个「花毯」，係講毋使掃，偈可能乜會

欣賞佢兜个靚！該一蕊一蕊跌下來个紅色羽毛球，帶分偈个係另外一種麻煩，實在無結煞。

續下來，花謝了，跔等春天腳步漸漸行遠，棉絮也開始隨風飛到滿哪仔。這兜白色个棉絮，又係新个挑戰，佢兜分風吹到哪、黏在哪，逐隻角頭、角背就有佢个蹤跡，實在掃毋會忒；過敏个人遇著佢兜，總係播目珠、總係哈啾噴天，實在當得人惱，半點就感受毋著哪位浪漫！棉絮過了又愛開始掃樹葉仔、掃落花，年堵年恁樣過，想著斯會驚；偈投姐嬾講木棉樹恁得人惱，佢應講：「新娘靚係靚，拉屎得人驚。花仔跌下來，蹴著橫貼蓆。」麼个都係有一好無兩好啊！

一年透天，木棉樹帶來無共樣个面貌。寒天个落葉，春天个落花，跔等个棉絮，所以，在木棉花个行程中，毋單淨欣賞著佢个靚，也在這拚掃个過程肚，學會了耐心，還有堅持。每一擺个拚掃，都係摻自然共下个一種方式，雖然當恠，還係分恠感受、欣賞著生活个好摻難。

編號 4 號

【擲大索个智慧】徐熏嫻原作

這係最尾一場个冠亞軍賽！

聽著「砰！」一聲，「12 嘍，12 嘍」先生个聲哨跔等起，逐儕人雙手搭纏大絡索，身體向後橫，腳錘在向後箭，手腋下夾等个係力頭，心跳聲在胸脯打鑼鼓，順等額頭流下來个，係爭志想愛贏个汗水。

無想著，對手一抹煞摻偈兜挽等過，第一場比賽嘍輸忒。毋甘願个心情全寫在面町，想著淨伸一擺機會，大家个心臟嘍嘍嘍，脣頭加油个同學乜喊到嘶骸另命。先生愛偈兜心沉穩、敢大氣，聽節奏使力頭，雙腳愛像釘在地泥下樣，每一步都穩穩箭等擲贏个影，總算挽轉拚第三場个機會。

第三場个銃聲「砰！」又響起，大家同心協力尋轉信心，共下喊出「12 嘍，12 嘍」。「一步一步退後，就係一步一步向前」，這句話乜在偈个耳空脣響起。挽過來又挽過去个大絡索，就像一尾趟過來又趟過去个蛇哥，脛等這尾蛇哥強強就愛溜過去哩！同學个加油聲緊來緊大聲，親像搵手拉等該條紅索中心線，定定仔又佷轉來，再聽著「砰！」一聲，世界嘍恬忒一秒，黏時

歡喜震天，大家都暢到跳起來，鼓聲大咚。無毋著！偈兜擲贏最尾个一場比賽咧！

想起這學期，學校舉辦个班際擲大索比賽，運動坪町輒常脛著當多班級在該練習。該駁仔先生在體育課教大家認識擲大索个基本規則摻技巧，盡記得先生講：「擲大索，毋係比哪儕較大力，係比哪隻班級較齊力！」這句話，聽起來當簡單，愛做出來斯無恁該，為著培養大家團結合作个精神，逐擺个練習，斯有同學个手巴掌起水膘、有同學个腳膝頭鑪到疤疤，無就跌到四腳惹天哇哇滾。毋過，無人講愛放忒棄權。

這擺比賽珍貴个畫面，都係偈兜向前進个痕跡。拉起大索，偈兜學習愛仰般共下來敢氣，愛仰般來齊集力頭，愛仰般堅持自家个定位，相信隊友。這毋係後退，係前進，用倒退來換轉擲贏，齊心正會有大力，欠一儕人都做毋得。

每一場擲大索比賽，毋單淨係體能个輸贏，還較係決心个考驗。偈兜用團結合作寫了一場奮鬥个故事，乜分偈學習著「向後退一步，就係向前進一大步！」个人生智慧。

編號 5 號

【搖出味來】林芊慧原作

講著「涼飲」，會想著麼个？佢想大部分个人定著黏時就想著手搖杯。對佢來講，涼飲毋單淨止渴，還較像係一種分人放冗、歡喜个小幸福。毋管係放學後摻朋友買一杯緊行緊啉緊打嘴鼓，抑係考試考忒摻自家鼓勵一下。一杯涼飲，總做得帶分佢一隻好心情。

佢最中意个涼飲係珍珠奶茶。奶茶該種醜醜个味緒，還過承牙个珍珠，見擺食著个時節，歸日个煩愁就會毋見忒咧，噉珍珠該種感覺，毋知仰般就試著分人盡滿足。

毋過，學校健康教育課乜輒常提醒佢俚：這下盡多涼飲糖分都當高，若係逐日都啉涼飲，可能會變到肥卒卒仔，還過有蛀牙个問題。除忒對佢俚个身體毋好，學校先生還提醒佢俚環保个问题。先生講：「你啉一杯涼飲歡喜十分鐘，地球可能愛花幾十年正做得分解該兜塑膠杯仔、封膜、啞管。尤其當多人都儘採擲，最尾可能會分海洋裡背个動物食著，嚴重个話還會害佢兜死忒。」聽了佢正知得：原來佢俚逐日啉个一杯涼飲，乜因等恁多問題。

所以，佢屋下開始做了一息仔改變。比論講，佢姆這下會自家泡茶、打果汁，還會做仙草凍加牛乳，新鮮又康健。這下佢乜會帶自家个環保杯去買涼飲，還做得省五個銀呢！

涼飲有無共樣个口味，就像人生共樣。有人中意甜个、有人中意酸个、有人中意醜醜个奶茶、有人中意合嘴个冷泡茶。就像佢俚每一個人个人生，乜無可能單淨一種味緒定定。有時節係甜个——像考試打頭名、朋友送你生日禮物；有時節係酸个——像摻朋友冤家；有時節係苦个——像考試壓力大。

因為有這兜無共樣个味緒，人生正有層次、有故事，就像啉了一口有兜苦苦个釀茶後，顛倒會較珍惜下一口甜甜个奶波。生活肚無可能逐日都順序，乜無可能日日都快樂，若係肯去體會這兜酸甜苦辣，該斯會變佢俚成長个一部分。

涼飲做得帶分人快樂，毋過，佢俚絕對乜愛學會選擇對身體好个、對地球友善个，還愛有搏測<sup>1</sup>。就像人生共樣，毋係追求「越多越好」，係「堵堵好最好」。

<sup>1</sup> 測：音 zed`；節制、控制。

【 僱係細市長 】周昱原作

還細个僱，最熟事个，毋係哪間補習班、抑係才藝班，係鬧熱、有人情味个夜市。

為著分僱有較好个生活，阿姆日時頭在田町做事，臨暗仔又拚等赴夜市擺攤仔賣耳環、皮包仔、夾仔這兜。美濃夜市、高樹夜市、六龜夜市……，哪位有人，哪位就有阿姆个身影。阿姆雖然逐日春上春下，毋過僱無聽過佢喊一聲苦。佢「齧等牙根擔得硬，擲等草根上得崁」个精神，係僱一生人愛堅心學習个。

該下僱正讀國小，阿姆總會駛等佢該臺廂型車來接僱下課。該輛車仔就像一隻細型个倉庫，裡背堆到淦淦个貨摺鐵架仔，毋過，阿姆就像魔術師，用佢个巧手「撫」出一隻細空位分僱坐。雖然當尖、當歪坐，毋過僱還係會恏到緊啄咕，係講僱無睡忒，僱就會摺阿姆共下搬貨、擺攤仔。當然，有時節僱會詐意睡忒，享受一下「分阿姆惜」个特權。

攤仔擺好勢，僱會拜託阿姆分僱八十個銀，去買最好食个焗雞髀。行到雞排攤个時節，僱會順續「巡邏」歸隻夜市、「監督」大家有認真做生理無，所以大家喊僱「夜市个細市長」。

涼飲攤个阿姨會揸手喊僱去：「市長，這杯珍珠乳茶請你淋！」賣 QQ 卵个頭家也會熱情講：「阿弟牯，這包提去摺若姆共下食！」該時節个僱，手提等食个東西，心肝肚張淦了快樂摺沙鼻。

夜市也係僱第一擺「賺所費」个地方。逐擺隔壁賣香酥雞个頭家人手毋罅，就會喊僱去揸手落袋、秤斤兩，做兜簡單个事頭，三點鐘就賺著三百個銀。對當時還細細个僱來講，就像係著頭獎三百萬樣仔，暢到耐毋得。係講頭家無尋僱，僱就留在阿姆个攤仔揸手嘞<sup>1</sup>人客、收錢、找錢，順續當臭屁个等人客阿腦僱。佢兜總係笑等講：「你除忒毋曉駛車仔，還有麼个毋會个？」該時節个僱，鼻空既經翹到嫦娥該片去咧。

夜市，毋單淨係僱食夜、挾所費个地方，更加重要个係，該位有僱摺阿姆兩子哀快樂个回憶。這下大了以後，逐擺行入夜市，睜著一盞一盞个電火、一個一個無閒泊汊个身影，總會想起頭擺該段日仔、該兩子哀个身影——在夜市巡來巡去个細市長、還過用雙手撐起一屋下个厥姆。

<sup>1</sup> 嘞：音 iui；喊叫，此處為「吆喝吸引客人」的意思。

115 年全國語文競賽臺灣客語朗讀文章國中學生組（饒平腔）

編號 7 號

【西瓜錫烏蠅】李怡蘋原作

佢讀小學個時節，逐年暑假爺哀都會載佢去姐公屋下寮一、兩隻月。記得有一擺，阿爸駛車經過西瓜田，佢睺著該西瓜一粒一粒在路脣疊到高高，脣頭一坭牌仔寫等「一粒 100 籮」，阿姆黏時講：「啊哦，仰恁便宜，摘個工錢都毋罉哦！」就喊阿爸膠車仔停下來，擇咧一粒大西瓜帶去姐公屋下。

到了臨暗仔，天時還係當翕熱，食飽夜過後，大家將就兜幾張凳仔到大樹下寮涼、打嘴鼓。佢在灶下膠姐嬭搥手，膠該粒大西瓜破開切做一籮一籮。姐嬭最惜佢，睺佢個口涎水都會跌下來咧，就先切一坭分佢食。哇！沙沙、甜甜又透心涼，還好食哪！佢遽遽兜去大樹下，大家一籮食過又一籮，食到舐嘴躡鼻。這時，佢在耳空脣聽著「噏——噏——」個聲，原來係一隻烏蠅，怕係分西瓜個甜味錫著，就在佢個旁脣飛上飛下。佢認食西瓜哪有時間插佢，就儘採用手拂兩下想愛膠佢拂走，無想著過無一下仔，這毋知死個烏蠅又飛轉來噏噏噏噏，實在還得人惱。

人講媿媿馬乜有一步踢，天生萬物都有佢個優點膠用處，像勤勞個糖蜂仔會採蜜，靚靚個蝶仔做得分人欣賞，做麼個這烏蠅

就無半點好分人取呢！生到賊仔樣，兩粒目珠仁大大粒，歸身又烏疏疏仔，斯會滿哪仔該掛這啄，害人局痢肚。輒聽著大人講：「有人放符就有人收。」佢幹頭就問姐公：「阿公，頭擺個人都會在屋下畜一條貓仔來捉老鼠，你講這烏蠅最驚麼个呢？佢來畜一隻，恁樣就毋驚烏蠅來作怪咧！」阿爸在邊脣聽著詐戲仔撩佢講：「該佢俚……畜一隻喇螞好無？」阿姆哀哦！莫講笑哪，一隻得人惱、又來加一隻得人驚，半斤八兩無較贏！

佢話都言講煞，該隻烏蠅又飛轉來咧，還掛到西瓜頂。佢目盯盯仔睺等佢飛啊飛，最尾停在凳頭面。欸，機會來哩，佢煞煞抓起報紙對準準就愛打過去……。啊！分佢飛走哩！佢喊阿爸遽遽來搥手，老弟乜興嘟嘟仔來鬥鬧熱。大家七手八腳，姐嬭睺著笑等講：「毋使恁無閒，遽遽膠西瓜皮收收起來，莫放在該錫烏蠅較有影哪。」

係哦，臭肉錫烏蠅！佢煞煞膠西瓜皮放落垃圾袋，再過緇到緇，恁樣這得人惱個烏蠅就無戲好唱哩啲。

115 年全國語文競賽臺灣客語朗讀文章國中學生組（饒平腔）

編號 8 號

### 【雞卵花】鍾孝昇原作

這駁仔行過社區個公園，睺著雞卵花又開咧。香味隨風吹，該白花黃心，落在石頭路面，像一粒粒焫好切開來個卵，親像愛喊人停下腳步，定定仔欣賞。

佢跔下來，拈起一蕊正跌下來個雞卵花。佢雖然離開咧樹極，毋過無爛忒，還係白淨白淨，有陣陣個清香味。睺著這蕊花，佢黏時就想起來，前幾日學校舉辦個「動福卵」活動。

該日，佢兜邀請對龍潭「北一農場」來個劉大姐，分享「友善畜養」個觀念。佢表示：雞仔若係畜在籠仔肚，無法度自由行動過炙日頭，就會變到當緊張，三不二時就破病，生出來個卵，當然毋會健康。

佢還講：「臺灣現下正經友善畜養個雞卵，大概正兩成定定。大部分個雞卵，還係來自格仔籠個。『友善畜養』，係一種尊重生命個畜動物方式。」

這場活動，毋單淨分大家了解動物個福利，也感動著家長。有一個阿姆講：「原來逐粒雞卵背後，就有一隻雞嫲快樂，抑係悲哀個故事。」下二擺去市場買雞卵，會還較支持「動福卵」。

活動當中，細人仔還用「動福卵」做卵捲。有一個學生仔講：「係講雞仔會笑，佢生出來個卵，定著會較康健。」聽著這句話，佢試著當感心。家庭教育日，佢兜教細人仔安心食東西個方式，也教佢兜關心生命個方式。

佢又想起舊年，學校摺舊個畜雞場改做「生命教育園區」個時節，也試辦過一隻祈福卡個活動。有一個學生寫：「希望雞嫲做得過等幸福個生活。」短短一句話，就展現出細人仔對生命個尊重摺祝福。這正經就係佢兜做生命教育個目標——教細人仔對尊重一粒卵開始，了解生命個價值，學會溫柔對待世界萬物。

就像雞卵花個一生，花開代表新生，花謝就係離別，雖然花落到地泥下，毋過香氣還在。人乜共樣，斯愛一生人心中有愛、做有意義個事情，雖然有一日定著會離開，毋過也會留下分人記得個印象。

望等公園滿地泥個雞卵花，想起佢這幾年為細人仔設計個生命教育課程，雖然在過程當中，有時節會堵著打擊，毋過，感謝聲還係較多，因為佢知：「送花分人手留香」個意義。